

LAGABREYTINGAR
TILLAGA FRÁ STJÓRN UMFÍ

54. Sambandsþing UMFÍ haldið á Fosshóteli, Stykkishólmi 10.-12. október 2025, samþykkir eftirfarandi breytingar á lögum UMFÍ.

Greinargerð:

Laganefnd UMFÍ hefur farið yfir lög sambandsins í heild sinni og tekið saman tillögur um breytingar til stjórnar UMFÍ sem leggur tillögurnar fram til þingsins. Tillögurnar eru unnar með það að markmiði að:

- tryggja að lögin endurspegli núverandi starfsemi og verkefni UMFÍ,
- einfalda og skýra ákvæði þar sem þörf er á,
- og styrkja lagalegan grundvöll fyrir framtíðarstarf hreyfingarinnar.

Með samþykkt þessarar tillögu er UMFÍ að tryggja að lög sambandsins séu í takt við nútímakröfur og styðji með skýrum hætti við hlutverk UMFÍ, sambandsaðila og aðildarfélaga.

Til upplýsinga. Yfirstrikaður texti er það sem dettur út úr lögunum og undirstrikaður texti er nýr. Í fyrsta dálk er eldri lagagrein og það sem strikast út. Í dálk 2 eru tillögur að nýjum texta og í dálk 3 er rökstuðningur fyrir breytingunni.

Lög Ungmennafélags Íslands**1.Kafli: Nafn, fáni og kjörorð****Eldri lagagrein Ný lagagrein Rökstuðningur**

1. grein Landssamband ungmennafélaga á Íslandi heitir Ungmennafélag Íslands, skammstafað UMFÍ. Heimili þess og varnarþing er í Reykjavík.	Óbreytt	
2. grein Fáni UMFÍ er Hvítbláinn. Kjörorð UMFÍ er: Íslandi allt. Hvítbláinn skal vera í merki UMFÍ, að öðru leyti ákveður sambandsþing UMFÍ gerð	Óbreytt	

Þess. Merki UMFÍ er eign UMFÍ og verndað vörumerki.		
---	--	--

II. Kafli: Hlutverk UMFÍ

3. grein Hlutverk UMFÍ er ræktun lýðs og lands. Hlutverki sínu hyggst UMFÍ ná með því að: Vinna eftir samþykktri stefnu UMFÍ eins og hún er hverju sinni með áherslu á arfleifð UMFÍ sem grundvallast í eftirfarandi setningum: - Gefa sem flestum kost á að taka þátt í heilbrigðu félagsstarfi. - Standa fyrir iðkun íþrótta og stuðla að heilbrigðum lífsháttum og hollri hreyfingu. - Starfa í anda friðar og jafnréttis. - Vinna að aukinni fræðslu og forvörnum gegn neyslu á skaðlegum efnum. - Vinna að landgræðslu, skógrækt og umhverfisvernd. - Stuðla að jafnvægi í byggð landsins og auka fræðslu almennings til að auðvelda hverjum og einum að taka afstöðu til þjóðnytjamála og vinna að framgangi þeirra. - Glæða með þjóðinni tryggð og rækt við heimili sín, áttthaga og ættjörð.	3. grein Hlutverk UMFÍ er ræktun lýðs og lands. Hlutverki sínu hyggst UMFÍ ná með því að: Vinna eftir samþykktri stefnu UMFÍ sem skal vera staðfest á sambandsþingi með áherslu á arfleifð UMFÍ sem grundvallast í eftirfarandi setningum: - Gefa sem flestum kost á að taka þátt í heilbrigðu félagsstarfi. - Standa fyrir iðkun íþrótta og stuðla að heilbrigðum lífsháttum og hollri hreyfingu. - Starfa í anda friðar og jafnréttis. - Vinna að aukinni fræðslu og forvörnum gegn neyslu á skaðlegum efnum. - Vinna að landgræðslu, skógrækt og umhverfisvernd. - Stuðla að jafnvægi í byggð landsins og auka fræðslu almennings til að auðvelda hverjum og einum að taka afstöðu til þjóðnytjamála og vinna að framgangi þeirra. - Glæða með þjóðinni tryggð og rækt við heimili sín, áttthaga og ættjörð.	Orðalagsbreytingar.
---	--	----------------------------

III. KAFLI: RÉTTINDI OG SKYLDUR

4. grein UMFÍ skiptist í íþróttahéruð. Einnig geta ungmenna og íþróttafélög innan íþróttahéraða sem ekki eru aðilar að UMFÍ gerst aðilar.	4. grein Sambandsaðilar UMFÍ eru íþróttahéruð. Aðildarfélög UMFÍ eru þau félög sem eru í íþróttahéruðum.	Þar sem öll íþróttahéruð eru nú aðilar að UMFÍ þá er textinn uppfærður til samræmis við það.
5. grein Inntökubeiðni í UMFÍ skal fylgja eintak af lögum umsækjanda sem skulu vera í fullu samræmi við sambandslög þessi. Sambandsþing úrskurðar um inntöku. Sambandsþing hefur rétt til að víkja félögum og samböndum úr UMFÍ.	5. grein Inntökubeiðni í UMFÍ skal fylgja eintak af lögum umsækjanda sem skulu vera í fullu samræmi við sambandslög þessi. Sambandsþing úrskurðar um inntöku. Sambandsþing hefur rétt til að víkja íþróttahéruðum úr UMFÍ með samþykki 2/3 hluta greiddra atkvæða.	Orðalagsbreytingar og ítarlegri útlistun.
6. grein Vilji sambandsaðili ganga úr UMFÍ telst úrsögn því aðeins lögmæt, að samþykkt hafi verið á löglegu héraðsþingi eða aðalfundi. Skal segja til þess á sambandsþingi UMFÍ. Aðili sem gengið hefur úr UMFÍ getur ekki krafist endurgreiðslu á fé sem hann hefur lagt til sambandsins eða nokkurs hluta af eignum UMFÍ.	6. grein Vilji sambandsaðili ganga úr UMFÍ telst úrsögn því aðeins lögmæt, að samþykkt hafi verið á löglegu héraðsþingi eða aðalfundi tillaga þess efnis. Skal sú úrsögn lögð fyrir næsta Sambandsþing UMFÍ og taka gildi frá þeim degi sem sambandsaðili samþykkti úrsögn. Aðili sem gengið hefur úr eða verið vikið úr UMFÍ getur ekki krafist endurgreiðslu á fé sem hann hefur lagt til sambandsins eða nokkurs hluta af eignum UMFÍ.	Orðalagsbreytingar og ítarlegri útlistun.

7. grein Hver aðildarfélag innan UMFÍ greiðir árgjald í sambandssjóð af hverjum skattskyldum félaga eftir ákvörðun sambandsþings og skilar því fyrir lok aprílmánaðar ár hvert. Sambandsfélögin semja skýrslu um störf sín og hag við hver áramót og senda rafrænt í þar til gert félagaskýrslukerfi UMFÍ fyrir 15. apríl ár hvert	7. grein Hver sambandsaðili innan UMFÍ greiðir árgjald í sambandssjóð af hverjum skattskyldum félaga eftir ákvörðun sambandsþings og skilar því fyrir lok aprílmánaðar ár hvert. <u>Skattskyldur félagi telst vera sá einstaklingur sem skráður er í félagatal og nær 16 ára aldri á almanaksárinu.</u> Sambandsaðilar semja skýrslu um störf sín og hag við hver áramót og senda rafrænt í þar til gert félagaskýrslukerfi UMFÍ fyrir 15. apríl ár hvert <u>eða eftir atvikum innan annars tilgreinds frests sem stjórn UMFÍ hefur staðfest.</u>	Þar sem sambandsaðilar eiga aðild að UMFÍ þykir eðlilegra að árgjöld séu greidd af þeim frekar en aðildarfélögum. Ítarlegri útlistun á hvað skattskyldur félagi er þar sem oft á tíðum er spurt að því.
8. grein Sérhver félagi aðildarfélags innan UMFÍ hefur málfrelsi og tillögurétt hvar sem er á fundum innan hreyfingarinnar.	Óbreytt	

IV. KAFLI: STJÓRNUN UMFÍ

9. grein Sambandsþing UMFÍ er æðsta vald í málefnum UMFÍ. Stjórn skal boða skriflega til Sambandsþings með a.m.k. 6 vikna fyrirvara og skal það haldið fyrir 15. nóvember annað hvert ár. Skriflegt fundarboð (síðara fundarboð) með dagskrá, ársreikningi og upplýsingum um tillögur og mál sem leggja á fyrir Sambandsþing skal senda sambandsaðilum með eigi minna en tveggja vikna fyrirvara. Sambandsaðilar skulu skila inn kjörbréfum fyrir upphaf þings. Sambandsaðilar kjósa fulltrúa til Sambandsþings miðað við fjölda skattskyldra félaga skv. félagatali í skráningarkerfi UMFÍ, sem skal skila í síðasta lagi 15. apríl það ár sem þing er haldið, sem hér segir: • 1 fulltrúa fyrir 1 - 200 skattskylda félaga. • 2 fulltrúa fyrir 201 - 1999 skattskylda félaga. • 3 fulltrúar fyrir 2000 - 2999 skattskylda félaga. • 4 fulltrúar fyrir 3000 - 3999 skattskylda félaga.	9. grein Sambandsþing UMFÍ er æðsta vald í málefnum UMFÍ. Stjórn skal boða skriflega til Sambandsþings með a.m.k. 6 vikna fyrirvara og skal það haldið fyrir 15. nóvember annað hvert ár. Skriflegt fundarboð (síðara fundarboð) með dagskrá, ársreikningi og upplýsingum um tillögur og mál sem leggja á fyrir Sambandsþing skal senda sambandsaðilum með eigi minna en tveggja vikna fyrirvara. Sambandsaðilar skulu skila inn kjörbréfum fyrir upphaf þings. Sambandsaðilar kjósa fulltrúa til Sambandsþings miðað við fjölda skattskyldra félaga skv. félagatali í félagaskýrslukerfi UMFÍ, sem skal skila í síðasta lagi innan tilgreinds tímafrests það ár sem þing er haldið, sem hér segir: • 1 fulltrúa fyrir 1 - 200 skattskylda félaga. • 2 fulltrúa fyrir 201 - 1999 skattskylda félaga. • 3 fulltrúar fyrir 2000 - 2999 skattskylda félaga. • 4 fulltrúar fyrir 3000 - 3999 skattskylda félaga.	
--	---	--

• 5 fulltrúar fyrir 4000 - 4999 skattskylda félaga. • 6 fulltrúar fyrir 5000 - 5999 skattskylda félaga. • 7 fulltrúar fyrir 6000 - 6999 skattskylda félaga. • 8 fulltrúar fyrir 7000 - 7999 skattskylda félaga. • 9 fulltrúar fyrir 8000 - 8999 skattskylda félaga. • 10 fulltrúar fyrir 9000 og fleiri skattskylda félaga. Þingfulltrúar félaga með beina aðild geta að hámarki verið 7 en 10 fulltrúar frá öðrum sambandsaðilum. Til viðbótar því sem að framan greinir skulu formenn íþróttahéraða eða staðgenglar vera sjálfkjörnir. Sambandsþing er lögmætt ef löglega er til þess boðað og mættur er fullur helmingur réttkjörinna fulltrúa.	• 5 fulltrúar fyrir 4000 - 4999 skattskylda félaga. • 6 fulltrúar fyrir 5000 - 5999 skattskylda félaga. • 7 fulltrúar fyrir 6000 - 6999 skattskylda félaga. • 8 fulltrúar fyrir 7000 - 7999 skattskylda félaga. • 9 fulltrúar fyrir 8000 - 8999 skattskylda félaga. • 10 fulltrúar fyrir 9000 og fleiri skattskylda félaga. Þingfulltrúar geta að hámarki verið 10 fulltrúar. Til viðbótar því sem að framan greinir skulu formenn íþróttahéraða eða staðgenglar vera sjálfkjörnir. <u>Komi til sameiningar íþróttahéraða þá skal það ekki leiða til þess að þau íþróttahéruð sem sameinast fái færri þingfulltrúa á næsta Sambandsþingi en þau höfðu samanlagt á síðasta Sambandsþingi.</u> Sambandsþing er lögmætt ef löglega er til þess boðað og mættur er fullur helmingur réttkjörinna fulltrúa.	Í umræðu um sameiningu íþróttahéraða hefur komið fram að takmarkandi þáttur sé fólgin í atkvæðavægi og því brugðist við því með þessu ákvæði. Sambærilegt ákvæði er að finna í lögum ÍSÍ. Textinn færður úr upptalningu í fyrirsögn.
---	--	--

Verkefni Sambandsþings skulu m.a. vera: • Ræða skýrslur liðins kjörtímabils. • Afgreiða reikninga næstliðins reikningsárs, (almanaksárið), sem skulu áritaðir af löggiltum endurskoðanda. • Marka stefnu UMFÍ á komandi árum. • Kjósa formann UMFÍ, 6 einstaklinga í stjórn og 4 í varastjórn. • Kjósa 5 einstaklinga og 2 til vara í kjörnefnd, • Afgreiða fjárhagsáætlun næsta árs. • Velja endurskoðunarfélag fyrir UMFÍ. Aukabíng er hægt að boða ef 2/3 sambandsaðila óska þess og skal það þá boðað eftir lögum um boðun Sambandsþings.	Verkefni Sambandsþings skulu m.a. vera: • Ræða skýrslur liðins kjörtímabils. • Afgreiða reikninga næstliðins reikningsárs, (almanaksárið), sem skulu áritaðir af löggiltum endurskoðanda. • Marka stefnu UMFÍ á komandi árum. • Afgreiða tillögur. • Staðfesta stefnu UMFÍ hverju sinni. • Lagabreytingar • Kjósa stjórn • Kjósa kjörnefnd • Afgreiða fjárhagsáætlun næsta árs. • Velja endurskoðunarfélag fyrir UMFÍ. Aukabíng skal boða innan tveggja vikna ef 2/3 af fjölda sambandsaðila óska þess með skriflegum hætti og skal halda þingið eigi síðar en tveimur vikum frá boðun. Einnig getur stjórn boðað til aukabíngs. Fulltrúafjöldi á aukabíngi skal vera sá sami og á síðasta lögmæta þingi.	Hlutverkum bætt við upptalningu í samræmi við þau verkefni sem lögð eru fram á þingi. Orðalagsbreyting og ítarlegri útlistun.

10. grein Sambandsráð UMFÍ er æðsta vald í málefnum UMFÍ á milli Sambandsþinga. Sambandsráð er skipað formönnum sambandsaðila UMFÍ eða varamönnum þeirra, ásamt stjórn UMFÍ eða varamönnum hennar. Stjórn skal boða skriflega til sambandsráðsfundar með a.m.k. 4 vikna fyrirvara og skal hann haldinn fyrir 15. nóvember það ár sem sambandsþing UMFÍ er ekki haldið. Verkefni sambandsráðsfundar skulu vera: • Ræða skýrslur næstliðins árs. • Afgreiða reikninga liðins árs, sem skulu áritaðir af löggiltum endurskoðanda. Greiði einhver fulltrúi á sambandsráðsfundi atkvæði gegn því að reikningar séu samþykktir, þá skulu þeir lagðir fyrir næsta Sambandsþing til afgreiðslu. • Afgreiða fjárhagsáætlun næsta árs. • Ræða viðfangsefni UMFÍ milli þinga.	10. grein Sambandsráð UMFÍ er æðsta vald í málefnum UMFÍ á milli Sambandsþinga. Sambandsráð er skipað formönnum sambandsaðila UMFÍ eða varamönnum þeirra, ásamt stjórn UMFÍ eða varamönnum hennar. Stjórn skal boða skriflega til sambandsráðsfundar með a.m.k. 4 vikna fyrirvara og skal hann haldinn fyrir 15. nóvember það ár sem sambandsþing UMFÍ er ekki haldið. Verkefni sambandsráðsfundar skulu vera: • Ræða skýrslur næstliðins árs. • Afgreiða reikninga liðins árs, sem skulu áritaðir af löggiltum endurskoðanda. Greiði einhver fulltrúi á sambandsráðsfundi atkvæði gegn því að reikningar séu samþykktir, þá skulu þeir lagðir fyrir næsta Sambandsþing til afgreiðslu. • Afgreiða fjárhagsáætlun næsta árs. • Ræða viðfangsefni UMFÍ milli þinga.	
---	---	--

Aukasambandsráðsfund er hægt að boða ef 2/3 sambandsaðila óska þess. Einnig getur stjórn kallað til auka sambandsráðsfundar og skal fundurinn boðaður eftir lögum um boðun sambandsráðsfundar og skal fundarefni getið í fundarboði.		Textinn tekinn út þar sem í þessu tilfelli yrði boðað til aukapings og því þessi texti talinn óþarfur.
11. grein Stjórn UMFÍ skal skipuð sjö einstaklingum: Formanni, ritara, gjaldkera, varaformanni og þremur meðstjórnendum. Kosning stjórnar skal vera skrifleg. Formaður skal kosinn sérstaklega <u>en aðrir í stjórn í einu lagi</u>. Til að atkvæðaseðill til stjórnarkjörs sé gildur verður að kjósa <u>sex</u> einstaklinga sem gefið hafa kost á sér til stjórnarkjörs.	11. grein Stjórn UMFÍ skal skipuð sjö einstaklingum: Formanni, ritara, gjaldkera, varaformanni og þremur meðstjórnendum <u>sem kosnir eru til fjögurra ára</u>. Kosning stjórnar skal vera skrifleg <u>eða rafræn</u>. Formaður skal kosinn sérstaklega, <u>á öðru hvoru Sambandsþingi</u>. Til að <u>formaður hljóti kosningu þarf frambjóðandi að hljóta meirihluta greiddra atkvæða nema hann sé einn í framboði en þá telst hann sjálfkjörinn</u>. Ef slík niðurstaða fæst ekki í <u>fyrstu umferð er kosið aftur milli þeirra tveggja frambjóðenda sem flest atkvæði fengu í fyrri umferð</u>. <u>Kjósa skal aðra stjórnarmenn í einu lagi</u>. Til að atkvæðaseðill til stjórnarkjörs sé gildur verður að kjósa <u>þrjá</u> einstaklinga sem gefið hafa kost á sér til stjórnarkjörs.	

Varastjórn skipa <u>fjórir</u> einstaklingar og <u>skal hún kosin í einu lagi</u>. Til að atkvæðaseðill til varastjórnarkjörs sé gildur verður að kjósa <u>fjóra</u> einstaklinga sem gefið <u>hafa</u> kost á sér til varastjórnarkjörs. <u>Atkvæðafjöldi ræður röð varamanna og skal á fyrsta fundi nýkjörinnar stjórnar dregið um röð þeirra. séu atkvæði jöfn.</u> Sambandsþing UMFÍ skal kjósa <u>fimm</u> einstaklinga í kjörnefnd <u>og tvo til vara</u> sem starfar til loka næsta Sambandsþings. Tilkynning um framboð til stjórnar og varastjórnar UMFÍ skal berast skriflega til kjörnefndar eigi síðar en 10 dögum fyrir þing. Einstaklingur sem býður sig fram til formanns getur jafnframt boðið sig fram til stjórnar og/eða varastjórnar á þinginu kjósi hann svo. Sama á við um einstakling sem býður sig fram til stjórnar og getur hann þá á þinginu boðið sig fram til varastjórnar. Við stjórnarkjör skal leitast við að í kjöri séu fulltrúar frá hverju kjördæmi. Ef þessu markmiði hefur ekki verið náð, eftir að framboðsfrestur rennur út, er kjörnefnd heimilt að framlengja framboðs-frestinn um allt að 5 daga og skal sú ákvörðun	Varastjórn skipa <u>tveir</u> einstaklingar og <u>skal einn kosinn á hverju Sambandsþingi til fjögurra ára</u>. Til að atkvæðaseðill til varastjórnarkjörs sé gildur verður að kjósa <u>einn</u> einstaklinga sem gefið <u>hefur</u> kost á sér til varastjórnarkjörs. <u>Draga skal á fyrsta fundi nýkjörinnar stjórnar um röð varamanna.</u> Sambandsþing UMFÍ skal kjósa <u>þrjá</u> einstaklinga í kjörnefnd sem starfar til loka næsta Sambandsþings, <u>og tvo til vara.</u> Tilkynning um framboð til stjórnar og varastjórnar UMFÍ skal berast skriflega til kjörnefndar eigi síðar en 10 dögum fyrir þing. Einstaklingur sem býður sig fram til formanns getur jafnframt boðið sig fram til stjórnar og/eða varastjórnar á þinginu kjósi hann svo. Sama á við um einstakling sem býður sig fram til stjórnar og getur hann þá á þinginu boðið sig fram til varastjórnar. Við stjórnarkjör skal leitast við að í kjöri séu fulltrúar frá hverju kjördæmi. Ef þessu markmiði hefur ekki verið náð, eftir að framboðsfrestur rennur út, er kjörnefnd heimilt að framlengja framboðs-frestinn um allt að 5 daga og skal sú ákvörðun	
---	--	--

tilkynnt sambandsaðilum. Heimilt er að bera fram tillögu um fleiri en einn úr hverju kjördæmi. Kjörgengir til stjórnar og varastjórnar eru allir skattskyldir <u>ungmennafélagar</u>. Stjórn kys úr sínum hópi til eins árs í senn þrjá einstaklinga og einn til vara er skipa framkvæmdastjórn. Hlutverk framkvæmdastjórnar eru að fylgja eftir samþykktum stjórnar og afgreiða mál á milli stjórnarfunda. Stjórn UMFÍ skal á hverju kjörtímabili halda a.m.k. einn stjórnarfund í hverjum landsfjórðungi. Verkefni stjórnar skulu vera: • Stýra málefnum UMFÍ milli þinga. • <u>Úrskurða</u> ágreiningsmál <u>þau</u> sem skotið er til hennar. • Varðveita sjóði UMFÍ og leggja fram endurskoðaða reikninga til þings og sambandsráðsfundar.	tilkynnt sambandsaðilum. Heimilt er að bera fram tillögu um fleiri en einn úr hverju kjördæmi. Kjörgengir til stjórnar og varastjórnar eru allir skattskyldir <u>félagar</u>. <u>Þeir sem kjörnir eru í stjórn eða varastjórn, skulu hvorki vera í launuðu starfi hjá UMFÍ eða sambandsaðilum, né sitja í stjórnnum þeirra.</u> Stjórn kys úr sínum hópi til eins árs í senn þrjá einstaklinga og einn til vara er skipa framkvæmdastjórn. Hlutverk framkvæmdastjórnar eru að fylgja eftir samþykktum stjórnar og afgreiða mál á milli stjórnarfunda. Stjórn UMFÍ skal á hverju kjörtímabili halda a.m.k. einn stjórnarfund í hverjum landsfjórðungi. Verkefni stjórnar skulu vera: • Stýra málefnum UMFÍ milli þinga. • <u>Gefa út álit á þeim ágreiningsmálum</u> sem skotið er til hennar. • Varðveita sjóði UMFÍ og leggja fram endurskoðaða reikninga til þings og sambandsráðsfundar	
--	--	--

Birta árlega skýrslu um gerðir, hag og horfur UMFÍ.	Birta árlega skýrslu um gerðir, hag og horfur UMFÍ.	
12. grein Einfaldur meirihluti greiddra atkvæða ræður úrslitum mála á sambandsþingi, sambandsráðsfundi og stjórnarfundi, nema um lagabreytingu sé að ræða eða breytingu á reglugerð um skiptingu lottótekna.	12. grein Einfaldur meirihluti greiddra atkvæða ræður úrslitum mála á sambandsþingi, sambandsráðsfundi og stjórnarfundi, nema um lagabreytingu sé að ræða eða breytingu á reglugerð um skiptingu lottótekna <u>sbr. 16.grein.</u>	

V. KAFLI: **LANDSMÓT OG UNGLINGALANDSMÓT** MÓTAHALD

13. grein Stjórn UMFÍ skal ákveða hvenær <u>Landsmót</u>, Unglingalandsmót, Landsmót 50+ eða önnur landsmót skulu haldin og samþykkja reglugerðir fyrir mótin. Stjórn UMFÍ skal með hæfilegum fyrirvara auglýsa innan hreyfingarinnar eftir sambandsaðilum sem áhuga hafa á að taka að sér að halda <u>Landsmót UMFÍ</u>, Landsmót UMFÍ 50+ og Unglingalandsmót UMFÍ. Stjórn UMFÍ skal ákveða hvaða aðili <u>úr hópi umsækjanda skal</u> halda mótið. Stjórn UMFÍ skal eiga rétt á að tilnefna fulltrúa sinn í	13. grein Stjórn UMFÍ skal ákveða hvenær Unglingalandsmót, Landsmót 50+ eða önnur landsmót skulu haldin og samþykkja reglugerðir fyrir mótin. Stjórn UMFÍ skal með hæfilegum fyrirvara auglýsa innan hreyfingarinnar eftir sambandsaðilum sem áhuga hafa á að taka að sér að halda Landsmót UMFÍ 50+ og Unglingalandsmót UMFÍ. Stjórn UMFÍ skal ákveða hvaða aðili <u>skuli</u> halda mótið. Stjórn UMFÍ skal eiga rétt á að tilnefna fulltrúa sinn í	
---	--	--

undirbúningsnefndir mótanna. • Meðal annars skal gæta eftirtalinna atriða við allan undirbúning og framkvæmd mótanna: • Þau endurspegli eftir föngum umfang og fjölbreytileika í starfsemi ungmenna-félagshreyfingarinnar. • Aðstaða til keppnisíþrótta sé eins góð og kostur er. • Almennungi sé gefinn kostur á þátttöku. • Þau séu vímulaus. • Þau séu ætluð fjölskyldufólki og fólki á öllum aldri. • Að vegalengdir milli keppnisstaða séu innan hæfilegra marka.	undirbúningsnefndir mótanna. • Meðal annars skal gæta eftirtalinna atriða við allan undirbúning og framkvæmd mótanna: • Þau endurspegli eftir föngum umfang og fjölbreytileika í starfsemi ungmenna-félagshreyfingarinnar. • Aðstaða til íþrótta sé eins góð og kostur er. • Almennungi sé gefinn kostur á þátttöku. • Þau séu vímulaus. • Þau séu ætluð fjölskyldufólki og fólki á öllum aldri. • Að vegalengdir milli keppnisstaða séu innan hæfilegra marka.	
---	--	--

VI. KAFLI: HEIÐURSVIÐURKENNINGAR

14. grein Sambandsþing getur kjörið heiðursfélaga UMFÍ þá einstaklinga er unnið hafa ungmennafélagshreyfingunni óvenjumikið gagn eða þingið vill veita sérstaka sæmd fyrir ágæt störf í anda UMFÍ.		
---	--	--

Heiðursfélagar hafa öll réttindi ungmennafélaga en eru sjálfráðir um skyldur. Heiðursviðurkenningar má og veita samkvæmt sérstakri reglugerð.		
--	--	--

VII. KAFLI: SLIT UNGMENNAFÉLAGS ÍSLANDS

15. grein

Til þess að slíta Ungmennafélagi Íslands eða sameina það öðrum samtökum þarf samþykki 2/3 hluta greiddra atkvæða á lögmætu sambandsþingi. Slík tillaga þarf einnig að hljóta samþykki 2/3 hluta greiddra atkvæða á sérstöku aukaðingi sem stjórn UMFÍ skal boða til innan 6 mánaða. Á aukaðinginu skulu sambandsaðilar eiga rétt á sama fjölda þingfulltrúa eins og á sambandsþinginu en að öðru leyti skulu ákvæði laga þessa um sambandsþing gilda um aukaðingið. Ef samþykkt verður skv. 1. mgr. að slíta UMFÍ skal aukaðingið ákveða hvert fjárhagslegar og ófjárhagslegar eignir og réttindi UMFÍ skulu renna.		
---	--	--

VIII. KAFLI: LAGABREYTINGAR OG GILDISTAKA

16. grein Lögum þessum og reglugerð um skiptingu lottótekna má aðeins breyta á lögmætu Sambandsþingi		
---	--	--

og þarf til þess 2/3 hluta greiddra atkvæða. Hjáseta telst ekki greitt atkvæði. Tillögur til lagabreytinga/reglugerðabreytinga skal senda stjórn UMFÍ minnst 4 vikum fyrir sambandsþing og skal stjórn UMFÍ senda tillögurnar sambandsaðilum til kynningar minnst 2 vikum fyrir þing. Til að taka til afgreiðslu tillögur sem ekki hafa hlotið kynningu skv. 2. mgr. þarf samþykki 2/3 hluta greiddra atkvæða, nema um sé að ræða tillögu til breytinga á áður kynntri tillögu til breytinga á lögum eða reglugerð.		
17. Grein Samþykkt á <u>52.</u> Sambandsþingi UMFÍ <u>2021 á Húsavík.</u>	<u>Bráðabirgðaákvæði með lögum</u> <u>Haustið 2027 verður formaður kjörinn til fjögurra ára. Jafnframt verða 6 meðstjórnendur kosnir, þrír til tveggja ára og þrír til fjögurra ára. Varamenn verða kosnir með sama hætti.</u> Samþykkt á <u>54.</u> Sambandsþingi UMFÍ. <u>2025 í Stykkishólmi. Lögin taka gildi að þingi loknu.</u>	

Vísað til: